

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«___» _____ 2014թ.

N ____-Ն

ք.Ստեփանակերտ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՀՄԱՅԻՆ ՑՈՒԼԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածին համապատասխան՝ Լեռնային Ղարաբաղի Հանրապետության կառավարությունը **որոշում է.**

1. Հաստատել Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման կարգը՝ համաձայն հավելվածի:
2. Լեռնային Ղարաբաղի Հանրապետության գյուղատնտեսության նախարարությանը՝ տնտեսական տարին ավարտելուց հետո՝ մեկամսյա ժամկետում Լեռնային Ղարաբաղի Հանրապետության կառավարություն ներկայացնել հաշվետվություն՝ կատարած աշխատանքների և իրականացրած միջոցառումների մասին:
3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ԼԵՌՆԱՅԻՆ ՂԱՐԱԲԱՂԻ
ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ա. ՀԱՐՈՒԹՅՈՒՆՅԱՆ

ԿԱՐԳ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՒՄԱՅԻՆ ՑՈՒԼԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են տեղական նախրի բարելավման և մթերատվության բարձրացման նպատակով Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորմանն ուղղված միջոցառումների (այսուհետ՝ միջոցառում) իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) *տոհմային ցուլ*՝ փաստաթղթով ծագումը վավերացված, վերարտադրության համար օգտագործվող և սահմանված կարգով գրանցված խոշոր եղջերավոր անասունների որևէ ցեղի բարձարժեք գյուղատնտեսական կենդանի:

2) *տոհմային ցուլերի սուբսիդավորում*՝ տոհմային ցուլերի արժեքի մասնակի փոխհատուցում:

3) *տոհմային ցուլերի սուբսիդավորում միջոցառման մասնակից*՝ տոհմային ցուլերի արժեքի մասնակի սուբսիդավորմանն ուղղված միջոցառումների իրականացման գործընթացում ներգրավված պետական և տարածքային կառավարման մարմինները:

II. ՍՈՒԲՍԻԴԱՎՈՐՄԱՆ ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

3. Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորմանն ուղղված միջոցառումների իրականացման գործընթացում ներգրավված պետական կառավարման մարմիններն իրականացնում են հետևյալ միջոցառումները՝

1) Լեռնային Ղարաբաղի Հանրապետության գյուղատնտեսության նախարարությունը (այսուհետ՝ նախարարություն) համակարգում և վերահսկողություն է իրականացնում սուբսիդավորման գործընթացի նկատմամբ:

2) Լեռնային Ղարաբաղի Հանրապետության շրջանների վարչակազմերը՝ նախարարություն են ներկայացնում տեղեկություններ՝ նշելով համայնքը, տոհմային ցուլ կամ ցուլեր ձեռք բերելու ցանկություն ունեցող իրավաբանական կամ ֆիզիկական անձանց տվյալները և ցուլերի քանակը:

4. Մասնակի սուբսիդավորման ենթակա է ձեռքբերվելիք տոհմային ցուլի արժեքի 50 տոկոսը՝ մնացած 50 տոկոսը հինգ տարի մարման և տոհմային ցուլը երեք տարի պարտադիր պահելու պայմանով:

5. Նախարարությունը, սույն կարգի 3-րդ կետի 2-րդ ենթակետում նշված տեղեկությունները ստանալուց հետո տասնօրյա ժամկետում ընդհանրացնում և դրանց հիման վրա Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամ տեղեկություններ է ներկայացնում՝ տոհմային ցուլերի ձեռք բերման պահանջարկի մասին:

6. Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամը՝ նախարարության կողմից ներկայացված տեղեկությունների հիման վրա ապահովում է տոհմային ցուլերի ձեռքբերման և բաշխման գործընթացը:

7. Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամը, յուրաքանչյուր եռամսյակ, նախարարություն տեղեկություններ է ներկայացնում տոհմային ցուլերի ձեռքբերման և բաշխման աշխատանքների մասին:

8. Նախարարությունը՝ հիմք ընդունելով սույն կարգի 7-րդ կետում նշված տեղեկությունները, իրականացնում է սույն կարգի 4-րդ կետում նշված սուբսիդավորումը՝ յուրաքանչյուր տարվա պետական բյուջեում նախատեսված համապատասխան միջոցներից:

9. Նախարարությունը վերահսկողություն է իրականացնում սույն կարգի 4-րդ կետում նշված, տոհմային ցուլերը՝ մասնակի սուբսիդավորմամբ ձեռք բերողի կողմից երեք տարի պարտադիր պահելու պայմանը կատարելու նկատմամբ:

III. ՍՈՒԲՍԻԴԱՎՈՐՄԱՆ ԳՈՐԾԸՆԹԱՑԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՑՈՒՆՔՆԵՐԸ

10. Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման գործընթացի իրականացումից ակնկալվող արդյունքներն են՝

- 1) կենդանիների մթերատվության մակարդակի բարձրացում.
- 2) բարելավված և տոհմային բարձր մթերատու հատկանիշներով օժտված տնտեսությունների ցանցի ձևավորում.
- 3) անասնաբուծության վարման ինտենսիվ տեխնոլոգիաների ներդրման հնարավորություն.
- 4) գյուղական վայրերում վերամշակման նոր ձեռնարկությունների ստեղծման համար նպաստավոր պայմանների ապահովում.
- 5) անասնաբուծության մասնագիտացման շնորհիվ բնական կերահանդակների առավել արդյունավետ օգտագործում.
- 6) գյուղական վայրերում նոր աշխատատեղերի ստեղծում.
- 7) անասնաբուծական մթերքների ինքնաբավության մակարդակի բարձրացում:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Լ. ԳՐԻԳՈՐՅԱՆ

Հ Ի Մ Ն Ա Վ Ո Ր ՈՒ Մ

«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՀՄԱՅԻՆ ՑՈՒԼԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ

Անհրաժեշտությունը

Սույն նախագծի ներկայացումը պայմանավորված է Լեռնային Ղարաբաղի Հանրապետության գյուղատնտեսության համախառն արտադրանքում անասնաբուծության ճյուղի տեսակարար կշռի ավելացման անհրաժեշտությամբ, ինչպես նաև անասնազվաքանակի ավելացման, բարելավման ու մթերատվության բարձրացման կարևորությամբ:

Կարգավորման նպատակը և բնույթը

Ներկայացված նախագծով առաջարկվում է աջակցել Լեռնային Ղարաբաղի Հանրապետության շրջանների անասնաբուծությամբ զբաղվող ֆիզիկական և իրավաբանական անձանց մատչելի գնով տոհմային ցուլերի ձեռքբերման հարցում:

Նախագծի մշակման գործընթացում ներգրավված անձինք

Նախագիծը մշակվել է Լեռնային Ղարաբաղի Հանրապետության գյուղատնտեսության նախարարության աշխատակազմի անասնաբուծության և անասնաբուծության վարչության և իրավաբանական բաժնի կողմից:

Սպասվելիք արդյունքները

Նախագծի ընդունումից իրականացումից ակնկալվում է կենդանիների մթերատվության մակարդակի բարձրացում, բարելավված և տոհմային բարձր մթերատու հատկանիշներով օժտված տնտեսությունների ցանցի ձևավորում, նոր աշխատատեղերի ստեղծում, բնական կերահանդակների առավել արդյունավետ օգտագործում, անասնաբուծական մթերքների ինքնաբավության մակարդակի բարձրացում և այլն:

Այլ տեղեկություններ

«Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման կարգը հաստատելու մասին» Լեռնային Ղարաբաղի Հանրապետության կառավարության որոշման նախագիծը ներկայացվել է հանրային քննարկումների Լեռնային Ղարաբաղի Հանրապետության գյուղատնտեսության նախարարության պաշտոնական կայքէջում: Սահմանված ժամկետներում առաջարկություններ կամ դիտողություններ չեն ստացվել:

ԼՂՀ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐ

Ա.ԽԱԶԱՏՐՅԱՆ

ՏԵՂԵԿԱՆՔ

«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՀՄԱՅԻՆ ՑՈՒԼԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆԵՐՈՒՄ ԾԱԽՍԵՐԻ ԵՎ ԵԿԱՄՈՒՏՆԵՐԻ ԷԱԿԱՆ ԱՎԵԼԱՑՈՒՄՆԵՐԻ ԿԱՄ ՆՎԱԶԵՑՈՒՄՆԵՐԻ ՄԱՍԻՆ

«Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման կարգը հաստատելու մասին» Լեռնային Ղարաբաղի Հանրապետության կառավարության որոշման նախագծի ընդունման կապակցությամբ Լեռնային Ղարաբաղի Հանրապետության պետական կամ տեղական ինքնակառավարման մարմինների բյուջեներում ծախսերի և եկամուտների ավելացումներ կամ նվազեցումներ չեն նախատեսվում: Նախագծի ծախսերը կնախատեսվեն յուրաքանչյուր տարվա պետական բյուջեով:

ՏԵՂԵԿԱՆՔ

«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ՁԵՌՔԲԵՐՎԵԼԻՔ ՏՈՀՄԱՅԻՆ ՑՈՒԼԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՑՈՒԹՅԱՆ ՄԱՍԻՆ

«Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման կարգը հաստատելու մասին» Լեռնային Ղարաբաղի Հանրապետության կառավարության որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջացնում:

**ԼՂՀ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐ**

Ա.ԽԱԶԱՏՐՅԱՆ

ՓՈՐՁԱԳԻՏԱԿԱՆ ԵԶՐԱԿԱՑՈՒԹՅՈՒՆ
«ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅՈՒՆՈՒՄ ԶԵՌՔԲԵՐՎԵԼԻՔ ՏՈՀՄԱՅԻՆ
ՑՈՒԼԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ ԿԱՐԳԸ ՀԱՍՏԱՏԵԼՈՒ
ՄԱՍԻՆ» ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ

«Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման կարգը հաստատելու մասին» Լեռնային Ղարաբաղի Հանրապետության կառավարության որոշման նախագծի վերաբերյալ առաջարկություններ և դիտողություններ չկան:

ԼՂՀ ԳՅՈՒՂԱՏՆՏԵՍՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ԲԱԺՆԻ ՊԵՏ

Ա. ԳԱԼՍՏՅԱՆ

**ԼՂՀ ԿԱՌԱՎԱՐՈՒԹՅԱՆ ԵՎ ԼՂՀ ՎԱՐՉԱՊԵՏԻ
ՈՐՈՇՈՒՄՆԵՐԻ ԱՌԱՔՄԱՆ ԹԵՐԹԻԿ**

Որոշման նախագծի անվանումը՝

«Լեռնային Ղարաբաղի Հանրապետությունում ձեռքբերվելիք տոհմային ցուլերի արժեքի մասնակի սուբսիդավորման կարգը հաստատելու մասին»

Նախագիծը ներկայացնողը՝

ԼՂՀ գյուղատնտեսության նախարարություն

ԼՂՀ կառավարության և ԼՂՀ վարչապետի որոշումներն ուղարկել՝

1. ԼՂՀ գյուղատնտեսության նախարարություն
2. ԼՂՀ արդարադատության նախարարություն
3. ԼՂՀ ֆինանսների և էկոնոմիկայի նախարարություն
4. ԼՂՀ գյուղի և գյուղատնտեսության աջակցության հիմնադրամ
5. ԼՂՀ շրջանների վարչակազմեր

Նախագիծը պատրաստողը՝

Լեռնային Ղարաբաղի Հանրապետության գյուղատնտեսության նախարարության աշխատակազմի անասնաբուծության և անասնաբուծության վարչություն, իրավաբանական բաժին

Ա. ԳԱԼՍՅԱՆ

(ստորագրությունը)

«_____» _____ 2014թ.